



比丘、羅漢、菩薩、佛

——「大智度論」集粹之四——

智銘

佛說法四十九年，足跡雖遍及全印，但以住王舍城、舍婆提二處為最多，見諸佛經，亦多在二城說，在其他處說者較少，蓋該二城地點較適中。其他邊國，弊惡人多，善根未熟，所謂：「若華未應敷，則亦不强開。」故佛多住「利智善根熟，結使煩惱薄。」之處，迦毗羅婆城雖近佛生處，佛恩最多。但佛諸結盡，無復餘習，近諸親屬，亦無異想。但釋種弟子，則多未離欲。若近親屬，則染着心生。佛製出家，不近親屬，親屬心着，如火如蛇。是故，不住迦毗羅婆城。再者，舍婆提城大，共住九億家，若少住者，不得度多人。而舍婆提城，研心令利，但入種種邪見網中，事種種師。佛為該等善根已具而未熟，佛出世間，正為欲度眾生，著涅槃界，安隱樂住，是故，多住舍婆提大城。而佛係於摩伽陀國尼連禪河側，漚樓頻螺聚落，得阿耨多羅三藐三菩提，成就法身故，故又多住王舍城。

在二城中，又住王舍城者較多，其原因是佛報法身恩故，多住王舍城。蓋諸佛皆愛法身（註：此「愛」係珍惜之意，非「愛著」）。又坐禪精舍多故住王舍城。又王舍城中，有富那羅等六師，自言為一切智人，與佛為對。而長爪梵志、婆蹉姓、拘迦舍大等，皆外道大論議師，長者尸利崛多。還有提婆達多、阿闍舍等，是佛怨家，不信佛法，各懷妬嫉。有是人輩故，佛多住王舍城。又頻婆娑羅王到伽耶祀舍中迎佛及餘結髮千阿羅漢，是中佛為王說法，得須陀洹道。即請佛言：「願佛及僧就我王舍城，盡形壽，受衣被、飯食、臥具、醫藥、給所得當。」佛即受請，故多住王舍城。

佛雖住王舍城，但又多住城郊耆闍崛山，而少住竹園精舍。因耆闍崛山精舍近城，而山難上，以是故雜人不來。又近城故，乞食不疲。而長老摩訶迦葉，於耆闍崛山集法藏，可度眾生。又耆闍崛山清淨鮮潔處，三世佛及諸菩薩，更無是處。又諸摩訶演經，多在耆闍崛山中說，餘處說少。以如是原因，故佛住耆闍崛山。與佛共住者，計有摩訶比丘、比丘尼、大阿羅漢、優婆塞、優婆夷及諸菩薩摩訶薩。

一、釋比丘

何謂「比丘」，比丘者名乞士。清淨活命，故名為乞士。出家比丘不墮四不淨食中：即合藥、種穀、植樹等不淨活命者之「下口食」。觀視星宿、日月、風雨、雷電、霹靂不淨活命者之「仰口食」。曲媚豪勢、通使四方、巧言多求不淨活命者之「方口食」。學種種咒術，卜算吉凶如是等種種不淨活命者之「四維口食」。故出家比丘，多用清淨乞食活命。如是清淨乞食活命，故名「乞士」。又者，「比」名「破」，「丘」名「煩惱」，能破煩惱，故名「比丘」。又「比」名「怖」，「丘」名「能」，怖魔王及魔人民，當出家剃頭著染衣受戒，是時魔怖。佛曾說：「有人能剃頭著染衣，一心受戒，是人漸漸斷結，離苦入涅槃。」是故，出家比丘必須剃頭著染衣。

至於「僧伽」，譯為「象」，即多比丘一處和合，是名「僧伽」。因比丘「和合」故，「僧」名「生」。僧有四種：有羞僧、無羞僧、啞羊僧、實僧。「有羞僧」者：持戒不破，身、口清

淨，能別好醜，未得道，是名「有羞僧」。無羞僧者：破戒，身、口不淨，無惡不作，是名「無羞僧」。啞羊僧者：雖不破戒，鈍根無慧，不別好醜，不知輕重，不知有罪無罪，若有僧事，二人共諍，不能斷決，默然無言，譬如白羊，乃至人殺，不能作聲，是名「啞羊僧」。實僧者：若學人、若無學人，住四果中，行四句道，是名「實僧」。菩薩僧有二種：有羞僧、實僧。聲聞一種，謂實僧，以是實僧故，餘皆得名僧。

二、釋阿羅漢

「阿羅漢」者，「阿羅」名「賊」，「漢」名「破」，即「一切煩惱賊破」，是名「阿羅漢」。阿羅漢一切漏盡，故應得一切世間諸天人供養。又「阿」名「不」，「羅漢」名「生」，即「不生」，後世中更不生，是名「阿羅漢」。

阿羅漢諸漏已盡，三界中，三種漏已盡無餘。「三界」者：一欲界：有淫欲與食欲。二色界：離淫、食二欲。三無色界：無物質、無身體、無國土宮殿，唯以心識住於深妙之禪定。一切有情住此三界中。「三漏」者：一欲漏：欲中除無名及其餘一切之煩惱。二有漏：色、無色界中除無名及其餘一切之煩惱。三無明漏：三界中無明名無明漏。阿羅漢在此三界中，漏盡無餘。

阿羅漢無復煩惱，一切結使、流、愛、扼、縛、蓋、見、纏等斷除，無有煩惱。

阿羅漢心得好解脫，慧得好解脫。阿羅漢於一切障法得解脫，應心好解脫。又見諦道、思惟道，二道心得解脫名心解脫。學人心得解脫，非好解脫，因有殘漏結使故。須愛斷，則知餘煩惱皆已斷。諸結使皆屬愛、見。屬愛煩惱覆心。屬見，煩惱覆慧。如是愛離故，屬愛結使亦離，得心解脫。如是無明離故，屬見結使亦離，得慧解脫。與佛共住阿羅漢，應不退法，得無生智，以是故，言心得好解脫，慧得好解脫。

阿羅漢心調柔輒：若有恭敬、供養、瞋恚、罵詈、搥打者，心等無異。若得珍寶、瓦石，視之一等。若有持刀砍切手足，有持旃檀塗身，亦等無異。復次，淫欲、瞋恚、憍、慢、疑、見，

根本已斷故，是謂心調柔輒。諸阿羅漢欲染處不染，應瞋處不瞋，應癡處不癡。守護六情，以是故名「心調柔輒」。

阿羅漢摩訶那伽——大無罪。「摩訶」名「大」，「那」名「無」，「伽」名罪，諸阿羅漢諸煩惱斷，是以名「大無罪」。諸阿羅漢修禪定智慧，能破魔軍及諸結使賊。罵詈、搥打、不悔、不恚、老、死、水、火，不畏不難。起慈悲雲，潤及可度，現大光明，說實法相，兩弟子心，令生善根。

阿羅漢所作已辦、信、戒、定、捨等諸善法得故，名為「所作」。智慧、精進、解脫等諸善法得故，是名「已辦」。二法具足，故名「所作已辦」。又者，諸煩惱有二種：一種屬愛，一種屬見。屬愛煩惱斷，故名「所作」。屬見煩惱斷，故名「已辦」。又者，色法善見，故名「所作」。無色法善見，故名「已辦」。又者：聞、思、慧成就，故名「所作」。修慧成就，故名「已辦」。又者：心解脫得故，名「所作」。慧解脫得故，名「已辦」。漏盡故名「所作」，得共解脫名「已辦」。一切結使除，故名「所作」。得非時解脫，故名「已辦」。

阿羅漢棄担能担：五眾粗重常惱故，名為「担」。諸阿羅漢此担已除，以是故言「棄担」。「能担」者，是佛法中二種功德担應担：一種自利益，二種益利他。一切諸漏盡、不悔解脫等諸功德，是名「自利益」。信、戒、舍、定、慧等諸功德能與他人，是名「利益他人」。是諸阿羅漢，自担他担能担。故名「能担」。又得無漏根、力、覺、道，能担佛法大事担，是名「阿羅漢能担」。

阿羅漢速得已利：行諸善法，是名「已利」，諸餘非法，名非已利。信、戒、捨、定、慧等諸功德，一切財寶勝故，今世後世得樂故，能到甘露城故，三因緣故，是名「已利」。今世得樂，後世得樂，及得涅槃樂，是名「已利」。餘非已利。八正道及沙門果，是名諸阿羅漢「已利」，諸阿羅漢得道及果，二事俱得，故名「已利」，以是故，言「速得已利」。

阿羅漢盡諸有結：「有」分三種：欲有、色有、無色有。欲界繫業取因緣，後世能生，亦是業報，是欲有、色有、無色有，

亦如是。是名爲「有」。結盡者：結有九結：愛結、恚結、慢結、癡結、疑結、見結、取結、慳結、嫉結。是結使盡及有，是有盡及結使。以是，故名「有結盡」。

阿羅漢以正智得解脫；阿羅漢從佛得成，受無量功德，知結使斷，信心轉多。在佛邊受功德樂味，圍繞佛故，佛德益尊。在佛邊聽法，心無厭足。佛住解脫法中，諸阿羅漢亦住解脫法中，住法相應，眷屬莊嚴。佛住善法解脫中，諸阿羅漢亦住善法解脫中，住法相應，眷屬莊嚴。是故，阿羅漢以正智得解脫。

三、釋菩薩

佛法有二種：一、秘密。二、顯示。顯示中，佛、辟支佛、阿羅漢，皆是福田，以其煩惱盡無餘故。秘密中，說諸菩薩得無生法忍，煩惱已斷，具六神通，利益衆生。菩薩以方便力，現入五道，受五欲，引導衆生。菩薩以大慈悲爲軸，智慧爲兩輪，精進爲快馬，戒定爲御，忍辱心爲鎧，總持爲轡勒。菩薩心自利利他故，度一切衆生故，知一切法實性故，行阿耨多羅三藐三菩提故，爲一切聖賢之所稱讚故，是名菩提薩埵。

菩提薩埵有兩種，一、鞞跋致：初心菩薩，退失所修之行，名爲「退法」。二、阿鞞跋致：永不退法。佛說「般若波羅蜜」——阿鞞跋致品中，佛自說阿鞞跋致相，如是相是退轉，如是相是不退轉。若菩薩一法得好修好念，是名阿鞞跋致。何等一法？常一心集諸善法，得阿耨多羅三藐三菩提。正直精進，是阿鞞跋致相。復次，若得二法，是時是阿鞞跋致相。何等二法？不切法實知不定，亦念不捨一切衆生，如人名阿鞞跋致菩薩。復次，得三法：一者，一心發願，欲成佛道，如金剛不可動不可破。二者：於一切衆生，悲心徹入骨髓。三者，得般舟三昧，能見現在諸佛，是名阿鞞跋致。

又者，自覺覺他，必當作佛，是名菩薩。離五欲，得五法，是名菩薩。常離一切惡法，遠捨惡人，常求道法，攝取弟子，是名菩薩。從種三十二相已來，是名菩薩。菩薩過三阿僧祇劫，然後種三十二相業因緣，初阿僧祇中，心不自知我當作佛、不作佛

，二阿僧祇中，心雖能知我必作佛，而口不稱我當作佛。三阿僧祇中，心了了自知得作佛。

三十二相，於欲界、非色、無色界種。於五欲五道，在入道中種。於男人身種，非女人身種。佛出世時種，佛不出世不得種。緣佛身得種，緣餘不得種。於意業中種，身、口業中不種，於意識中種，眼、耳、鼻、舌、身五識中不種。從鞞婆尸佛至迦葉佛，其中九十一大劫，釋迦牟尼菩薩種三十二相業因緣竟，六波羅蜜滿，六年苦行，食難陀婆羅門女益身十六功德石蜜乳糜，坐菩提樹下，破一萬八千億鬼兵魔衆，得阿耨多羅三藐三菩提，得成佛道。（註：六波羅蜜：尸羅——「戒」波羅蜜、羼提——「忍辱」波羅蜜、毗梨耶——「精進」波羅蜜、禪——「修、靜慮、三昧、定」波羅蜜、般若——「智慧」波羅蜜。）

四、釋佛

何謂佛？得盡智、無生智，故名爲佛。又者，得佛十力、四無所畏、十八不共法、三達無礙，三意業：一者、受教敬重，佛無喜。二者、不受教、不敬重，佛無憂。三者、敬重不敬重，心無異。大慈大悲，三十七道品，一切諸法總相、別相悉知故，故名爲佛。未得佛道時，心愛著求，欲取阿耨多羅三藐三菩提，以是故名菩薩。更得佛種種異大功德故，更有異名，名爲佛。是以，未得佛道，名爲菩薩，已得佛道，名爲佛。

一時無二佛出，非謂十方世界無現在佛。又一佛不能得度一切衆生，若一佛能度一切衆生者，可不須餘佛。一佛出，如諸佛法，度可度衆生已而滅。衆生無量，苦亦無量，是故應有大心菩薩出，亦應有無量佛出世度衆生。

衆生雖有福德、智慧，是從佛因緣出，若佛不出世，是世界中受報，不能得道。如人有目，日不出時，不能有所見。不得言：「我有眼，何用日爲？」得道亦然，不得言：「我自有福德、智慧，何用佛爲？」如佛說：內外因緣，能生正見：一、從他聞法。二、內自如法思惟，福德事故，能生善心，利根智慧故，能如法思惟。是以，知衆生須從佛得度。